



## Universitätsbibliothek Paderborn

**R. P. Thomæ Tamburini Societatis Iesu Siculi  
Caltanisettensis, In Alma Vniversitate nobilis Civitatis  
Messanæ, Theologiæ Primarij Professoris. Explicatio  
Decalogi Duabus distincta partibus**

In qua omnes ferè conscientiæ casus, ad decem Præcepta pertinentes,  
mira brevitate, claritate, & quantum licet, benignitate declarantur

Continens sex Libros posteriores in Decalogum, id est, expositionem  
præceptorum secundæ tabulæ

**Tamburini, Tommaso**

**Monachii, Anno M.DC.LIX.**

Munera judici an donanda, num. 13.

**urn:nbn:de:hbz:466:1-39995**

vifitationes: puto, inquam, temperari. Cum enim illud (præsumat) temeritatem ostendat credere meritò possimus, tantum rigorem ad modica esculenta, vel ad exigua similia nequaquam extendi. Et Tridentinum loco citato hunc canonem confirmans, licet non utatur eodem verbo (præsumat) dum tamen aliud non explicuit, videtur solum idem, quod Canon voluisse.

*Et Glossa in c. Romana. §. procuratio-  
nes de cens. & exact. V. aliquid munus.*

*Munera judicii, an donanda?*

13. Quando judex licetè potest accipere munera, juxta dicta, licetè & alij donant. Sed quid, quando illicetè judex petit, vel accipit? respondeo, si ea quis dat, ad redimendam suam vexationem injustam, non peccat<sup>u</sup>. Ne sit tamen litigans facilis ad credendum, vexationem injustam intercedere, quia omnes ferè litigantes putant, se injustè vexari, cum tamen non ita sit intercedit tamen, quando imminent periculum claræ iustitiae, vel injustæ inæqualitatis, in expediendis negotijs, ijs prius expeditis, ob quæ munera judex accepit.

*u Molt. 1. tr. 2. d. 88. Sanch. l. 3. Consil. cap. unico, dub. 3. & communiter. Rebell. aliquique apud Dicast. l. c. n. 86.*

14. Hac occasione nota, judicum famulos, qui aliquibus propter munera accepta aditum præbent ad judicem, alijs injustè exclusis, omnino peccare; sed tamen ijsdem propter eamdem rationem, dare licebit munera ad redimendam vexationem. Dixi (injustè) nam si, sine alterius præjudicio, extraordinarium favorem famulus procuret, litiganti, licetè, quamvis indecorè, propter hanc causam, aliquid accipiet,

15. Nota, ea, quæ judex, alijve recipiunt ad redimendam vexationem debere (præter peccatum) omnino restituvi, quia, invitis absolute dominis, accipiuntur.

Denique judicis amasæ, quando ad sollicitandam causam munera offerre liceat, diximus lib. 5. c. 1. §. 4. n. 23.

## §. II.

### Reus.

*An licetè aperiat occulta, vel falsa  
crimina testimoniū.*

1 **V**æres primò, potestne reus ad enervandam falsorum testimoniū authoritatem, eorum occulta crimina revelare? respondeo, si alia via non datur, qua commodè testimonium infirmet, sanè potest a, sive sponte, sive compulsi à judice, testes illi testati fuerint: quilibet enim jus se tuendi habet, cum justo moderamine, præsertim eodem genere armorum, quo oppugnatur. Quod si alia via datur, ut item si per manifestationem unius peccati minoris sibi consulere satis posset, manifestaret autem majus, eum peccaturū, etiam contra Iustitiam, puto; sicuti eodem modo peccare supposuimus supra illum, qui, se corporaliter defendendo, excedit limites necessariæ defensionis.

*a Lessl. 2. c. 31. n. 1. b sup. lib. 6. c. 4.  
§. 3. num. 16.*

2. Hinc sequitur primò, eum, qui accusatur de criminе, quod juridicè ab accusatore probari nequit, non solum posse & negare crimen, sed etiam dicere, accusa-